



**Broj: T01 0 KT 0040151 22**

Bihać, 26.08.2024. godine

**OPĆINSKI SUD U BIHAĆU**

- Sudiji za prethodno saslušanje –

Na osnovu odredbe člana 45. stav 2. tačka i), a u vezi sa odredbom člana 241. stav 1. Zakona o krivičnom postupku F BiH, **podizem:**

**OPTUŽNICU**

**PROTIV:**

**1. A. S., i**

**2. A. A.**

**ŠTO SU**

Dana 17.01.2022. godine, oko 23,00 sata, u naselju G., u ulici I., grad Bihać, nakon što je interventna patrola Policijske stanice Bihać po prijavi o fizičkom sukobu više lica izašla na lice mjesta, gdje su zatekli p.m.v. marke Opel Corsa koje se nalazilo jednim dijelom na kolovozu, a drugim dijelom na zelenoj površini, u kojem je S. A. sjedio za upravljačem dok je na mjestu suvozača, bez gornjeg dijela odjeće sjedio A. A., obojica sa vidljivim fizičkim povredama, nakon čega je patrola u sastavu od D. I. i J. M. prišla vozačevoj strani vozila radi utvrđivanja činjeničnog stanja gdje je S. A. prilikom izlaska iz vozila vrijeđao i prijetio riječima: „J... vam p... materinu, šta ste vi došli, sve ću vas pobiti! Imam dvije puške i bombe! Majku vam ..., kuću ću vam zapaliti!“, dok je patrola u sastavu od A. Z. i J. S. prišla suvozačevim vratima gdje je A. A. prilikom izlaska iz vozila počeo vrijeđati i prijetiti riječima: „I ja ću vas pobiti, majku vam j... svima! Imamo bombi i pušaka, znamo gdje stanujete, naćemo vas kad ne budete u uniformama!“, nakon kojih upućenih prijetnji je policijski službenik J. M. izdao jasno i glasno upozorenje i naredbu da prestanu sa narušavanjem javnog reda i mira, nakon čega je S. A. svjestan da svojim radnjama napada službenu osobu u vršenju službene radnje, a što je i htio, zatvorenom šakom udario u glavu D. I., koji je od udarca pao na tlo i tom prilikom povrijedio desnu šaku, da bi potom S. A. skočio na D. I., gdje ga je udario u predjelu lica, a kada je policijski službenik J. M. u namjeri da S. A. stavi pod nadzor, istog uhvatio za desnu ruku, S. A. ga je zatvorenom šakom udario u desnu ruku u cilju da se oslobodi od njegovog zahvata, u kojem momentu je putem tehnike poluge meke ruke stavljen pod kontrolu od strane patrole I. D. i J. M., da bi u tom trenutku A. A. oglušio se o usmenu naredbu, te svjestan da svojim radnjama sprečava službenu osobu u vršenju službene radnje, a što je i htio, odgurnuo policijskog službenika J. S. u namjeri da pomogne svom ocu S. A., gdje su ga J. S. i A. Z. spriječili u njegovoj namjeri na način da su mu stavili sredstva za vezivanje tokom koje radnje se opirao i gurao navedena službena lica, uslijed kojih radnji je D. I. zadobio povrede čeone regije u vidu

oguljotina, desne strane lica u vidu oguljotina, povredu desne šake u vidu otoka i oguljotine desne šake sa prelomom baze pete kosti dlana, a koje povrede su u zbiru teške tjelesne povrede, dok je J. M. zadobio povredu desne šake u vidu otoka, a koja se kvalifikuje kao laka tjelesna povreda,

**dakle, A. S.** napao službenu osobu u vršenju poslova sigurnosti javne bezbjednosti uslijed kojih radnji je jedna službena osoba teško tjelesno povrijeđena, a druga lako tjelesno povrijeđena, a **A. A.** upotrebom sile pokušao spriječiti službenu osobu u vršenju službene radnje koju je poduzela u okviru svojih ovlasti,

**čime bi S. A.** počinio krivično djelo Napad na službenu osobu iz člana 359. stav 3. u vezi sa stavom 1. KZ FBiH u sticaju sa krivičnim djelom Napad na službenu osobu iz člana 359. stav 2. u vezi sa stavom 1. KZ FBiH, a **A. A.** krivično djelo Sprečavanje službene osobe u vršenju službene radnje u pokušaju iz člana 358. stav 1. u vezi sa članom 28. KZ FBiH.

**P r i j e d l o g**  
**dokaza koje treba izvesti**

1. **Da se ispitaju svjedoci :**
2. **Da se ispita vještak :**
3. **Da se pročitaju i/ili izvrši uvid:**
4. **Da se pregleda :**

**REZULTATI ISTRAGE**

**Dokazi koji potkrepljuju navode optužnice:**

**KANTONALNI TUŽILAC**